

2023 NCEA Pūrongo Aromatawai

Te Marautanga o Aotearoa	Toi Puoro
Rā Aromatawai	6 Hepetema & 13 Hepetema 2023
Te Momo Aromatawai	Tūmahi Aromatawai Pātahi
Te Paerewa Paetae	92090 (1.3) Kaupae 1

Wāhanga 1: He Tirohanga Whānui

Ko te whakapakari i ngā pūkenga o te tamaiti ki te whakaputa māramatanga ki ngā huānga toi puoro te aronga matua e tutuki ai e ia te paerewa paetae 92090. Ko te whakawhānui i ā rātou kete mātauranga mo ngā huānga e āhei ai te tamaiti ki te whakapuaki i ōna māramatanga, i ōna mōhiohio mo ngā huānga me te whakahāngai anō hoki ki te horopaki.

Wāhanga 2: He kōrero mō te Paerewa

92090: Te whakaatu māramatanga ki ngā huānga toi puoro

Te Aromatawai

Ko te mahi a te ākonga mo tēnei Aromatawai he kōwhiri i tētahi o ngā waiata (o ngā waiata e 3 kua whakaritea) hei kaupapa kōrero mā rātou. Ka whakautu pātai te ākonga e hāngai ana ki te waiata i kōwhiria e rātou.

Ka tūhura, ka hanga, ka hanga ariā, ka whakaatu i ngā horopaki o ngā tūmomo puoro me ētahi mahi e hāngai pū ana ki te horopaki.

Tirohanga

I mārama te kite i te āhei o ngā ākonga ki te tautohu i ngā huānga toi puoro i roto i ngā waiata. Heoi, i mārama anō hoki te kite i uua mā ngā ākonga te hono i ngā huānga toi puoro ki te horopaki, ki te waiata i kōwhiria e rātou.

Kāore i mōhio ngā ākonga me pēhea te whakakupu i ō rātou whakaaro. Kāore rānei i hohonu tā rātou ako i ngā huānga toi puoro e āhei ai rātou te tūhono i te hūanga ki te horopaki.



Te Marautanga o Aotearoa

Rā Aromatawai

Te Momo Aromatawai

Te Paerewa Paetae

Toi Puoro

6 Hepetema & 13 Hepetema 2023

Tūmahi Aromatawai Pātahi

92090 (1.3) Kaupae 1

Pūrongo Paerewa Paetae

Ko ngā ākonga i eke ki te **Kairangi** i te paerewa paetae nei:

- i whai whakaaro ki ngā whakautu, ā, i mārama te pānui atu.
- i tau te tautohu i ngā huānga toi pūoro, me te whakahāngai ki te horopaki.

Ko ngā ākonga i eke ki te **Kaiaka** i te paerewa paetae nei:

- i mārama te whakautu i ngā pātai o te paerewa paetae.
- i tautohu i ngā huānga toi pūoro me te whakahāngai anō hoki ki te horopaki.
- i whānui ngā whakautu, kāore i mōkito.

Ko ngā ākonga i eke ki te **Paetae** i te paerewa paetae nei:

- i waiwai te whakautu i ngā pātai.
- i tautohu noa i ngā huānga toi pūoro, kāore i hōhonu te ruku atu.
- i waiwai te whakatutuki i te paerewa paetae.
- i mōkito, i whāruarua te whakautu i ngā pātai.

Ko ngā ākonga **Kāore i whiwhi** i te paerewa paetae nei:

- kāore i āhei ki te whakautu i ngā pātai o te paerewa paetae.
- i tautohu i ngā huānga toi pūoro, engari kāore i te āhei ki te whakahāngai ki te horopaki.
- i poto rawa ngā whakautu, kāore i eke ki te nama kupu tika.



Te Marautanga o Aotearoa

Toi Puoro

Rā Aromatawai

13 Maehe - 25 Oketopa 2023

Te Momo Aromatawai

Kete Manarua (Digital Submission)

Te Paerewa Paetae

92091 (1.4) Kaupae 1

92091: Te whakamahi i ngā āhuetanga toi puoro kia puta ai he mahinga toi

Te Aromatawai

Ko te whāinga o tēnei paerewa paetae he whakamahi i ngā āhuetanga toi pūoro kia puta ai he mahinga toi. Ko tā te ākongā mahi he kōwhiri, he whai i ngā āhuetanga toi puoro e hāngai ana ki te horopaki. He whakamahi i ngā hūanga toi pūoro kia puta ai he mahinga toi puoro.

Tirohanga

I mārama te kite i āhei te nuinga o ngā ākongā ki te whakamahi i tētahi/ētahi āhuetanga toi puoro kia puta ai he mahinga toi puoro motuhake. Ko te raru kē o ētahi, kāore i tutuki i ngā wāhanga katoa o tā ngā Tautuhinga Aromatawai e hiahiatia ana.

Hei tauira: I roto i ngā Tautuhinga Aromatawai e tohu ana e toru (3) ngā Ata hei whakatutuki mā te ākongā.

Ata 1: Tō nama NSN, te ingoa o tō Kura, me tō ingoa anō hoki.

Ata 2: Te kōnae ataata o tau whakaaturanga mahinga toi puoro.

Ata 3: He whakamāramatanga ā-waha, ā-tuhi rānei.

Ko te nuinga o ngā ākongā i tuku noa mai i te Ata 2: whakaaturanga mahinga toi puoro. Ko ētahi o ngā whakaaturanga he mahi takirua takutoru, kāore te kaimaaka i āhei ki te tautohu ko wai e aromatawaihia ana.

Pūrongo Paerewa Paetae

Ko ngā ākongā i eke ki te **Kairangi** i te paerewa paetae nei:

- i āhei ngā ākongā ki te whakatutuki i ngā herenga o te paerewa nei me ngā āhuetanga toi puoro e whai tikanga ana kia puta ai he mahinga toi puoro.

Ko ngā ākongā i eke ki te **Kaiaka** i te paerewa paetae nei:

- i āhei ngā ākongā ki te whakatutuki i ngā herenga o te paerewa nei me ngā āhuetanga toi pūoro e whaitake ana kia puta ai he mahinga toi puoro.



Te Marautanga o Aotearoa

Toi Puoro

Rā Aromatawai

13 Maehe - 25 Oketopa 2023

Te Momo Aromatawai

Kete Manarua (Digital Submission)

Te Paerewa Paetae

92091 (1.4) Kaupae 1

Ko ngā ākonga i eke ki te **Paetae** i te paerewa paetae nei:

- i āhei ngā ākonga te whakatutuki ngā herenga o te paerewa nei me ngā āhuatanga o te mahinga toi puoro.

Ko ngā ākonga **Kāore i whiwhi** i te paerewa paetae nei:

- kāore i āhei ki te whakatutuki i ngā herenga o te paerewa nei me ngā āhuatanga o te mahinga toi puoro.

Kei te tārewa tonu

